

馮氏錦囊秘錄雜症大小合參卷十

男 乾元龍田

海鹽馮兆張楚瞻甫纂輯 門人羅如桂丹臣全較

男 乾吉佑民

傷寒大小總論合參

傷寒一證幼科方論甚少故爲總論合參庶由深而得淺易耳

仲景曰冬時嚴寒萬類深藏君子固密不傷於寒冒觸之者乃名傷寒然小兒之傷寒與大人無異所異治者夾驚而已但八歲以下無傷寒不過感冒傷風故散利敗毒尤非幼雅所宜也凡冬日受寒至春陰與陽氣相搏而發先夏至日者爲病溫後夏至日者爲病暑惟自霜降以後春

分以前體中寒邪殺厲之氣而卽壯熱頭痛者方是正傷
寒也復有冬日大溫而病名曰冬溫至三四月或有暴寒
卒冷其時陽氣尚弱爲寒所折病熱則輕四五六陽氣已
盛爲寒所折病熱則重七八月陽氣已衰爲寒所折病熱
亦微此皆時行溫疫爲類傷寒也故君子春夏養陽秋冬
養陰順天地之剛柔冒觸之者其病伏焉經曰春傷於風
邪氣留連乃爲洞泄風氣通肝肝以春旺木勝脾土故洞泄生也夏傷於暑秋
爲痲瘧夏熱已甚秋陽復收陽熱相攻則爲痲瘧瘧老也亦日瘳也秋傷於濕上逆而
欬秋濕既勝冬水復旺水發爲痲厥濕氣內攻則咳逆冬
來乘脾故咳逆病生外散筋脉則痿弱冬
傷於寒春必溫病冬寒阻礙春陽氣發寒不爲釋其有卽

發而爲病者。謂之傷寒。言其病之原也。內經謂之病熱。言其病之候也。蓋風則傷衛。寒則傷榮。得寒則痛。衛得風則熱。風寒一傷。使人毫毛畢直。皮竅閉而爲熱。名曰傷寒。始病三日。病傳三陽。一二日太陽受病。其絡上連風府。故必身熱頭痛。腰脊卒強。脉則尺寸俱浮。二三日陽明受病。其脉起於鼻絡於目。故必鼻乾目疼。身熱而臥不寧。經曰胃不和則臥不安。脉則尺寸俱長。三四日少陽受病。其脉循脇通耳。故脇痛而耳聾。脉則尺寸俱弦。如脉不沉細而帶數。且猶惡風惡寒。見人藏身引衣密隱。是爲表症。未入於腑。俱可取汗而已。若四五日尺寸俱沉細者。是太陰受

病也。其脉布胃中，絡於嗌，故必腹滿而嗌乾。脾經壅而成熱。五六日少陰受病，尺寸俱沉，其脉貫於腎，絡於肺，故必口燥舌乾而渴。至此而熱氣漸深矣。六七日厥陰受病，尺寸俱緩，其脉循陰器，絡於肝，故必煩滿，舌捲囊縮而搐。此熱氣已盡聚於內，極深極重，陽熱既極，陰氣消亡，故必出頭露面，揚手擲足，掀衣氣粗，口渴煩燥，如有便結等候，宜用大承氣湯下之，以承領其一線之陰，使陰氣不盡爲陽所劫，因而得生者多矣。既有下多亡陰之大戒，復有急下救陰之活法，故曰一二日可發表而散，三四日宜和解而痊。五六日便實方可議下，七八日不解又復再傳，如遇傳

分不依日數。或兩感等症。則又不可一例也。如不兩感於寒。不加異氣。則七日太陽病衰。頭痛少愈。八日陽明病衰。身熱少歇。九日少陽病衰。耳聾微聞。十日太陰病衰。腹臑如故。而思飲食。十一日少陰病衰。渴也。津生。已而能噉。十二日厥陰病衰。囊縮自愈。小腹亦平。其邪皆去。則病人精神自爽也。若至六七日而頭痛更甚。此又於太陽傳起。以至厥陰。名曰二候。若至十三日而病復如是。是謂三候。一候則病二候病甚。三候病必危矣。正氣內虛。邪氣獨勝。故熱不已也。脈若尺寸俱沉陷者。是屬陽亡必死之候。然傷寒有合病有併病。或嘔或痢者。何也。合病者三陽俱受其

邪脈候皆現相合同病而不傳者是也。併病者如太陽病尚未解，卽併與陽明俱病。二陽相併而共病是也。然陽氣太盛則裏氣不寧，因上逆而爲嘔，或下行而爲痢矣。脈若陰陽俱盛而緊澀者，是傷寒病熱未痊之脈也。如再感於寒，則寒熱相搏，變爲溫瘧。若陽脈洪數，陰脈實大，此內外俱熱之脈也。如更感溫熱之氣，則又變爲溫毒。溫毒者，表裏俱熱，爲病最重也。然傷寒再經有陽結，有陰結。陽結者，不大便而能食，其脈浮數者是也。陰結者，大便鞭不能食，其脈沉遲者是也。陽結必於十七日而解，陰結必於十四日而解者，何也？十七日是傳至少陰腎經也。腎爲水，陽爲

火水制火。故結自解也。十四日是傳至陽明胃也。胃屬土。陰爲水。土制水。故結自解也。總陽遇陰解。陰遇陽解耳。然傷寒治法。宜和解便宜。和解可汗。便宜汗之。可下便宜下之。陽盛陰虛。則邪乘虛而入於裏。下之則除其內邪而愈。汗之則竭其津液而死。陰實陽虛。則邪僅客於腠理而未。能入汗之。則邪自散而愈。下之則邪僅客而內。亦有身戰。大汗而解者。是邪與正爭。正氣勝邪。乃大汗而解。有不汗。不戰而解者。因內無津液。故不汗耳。其身必微癢。若欲解。而身反大熱者。是邪氣還表也。至若熱久而不已者。是內亡津液。陰虛不能退陽。胃虛者。補土以藏陽。陰虛者。養陰。

而退火則餘熱自已也。若在初起一二日間。又非津液枯少。如連汗三劑而不汗出者。是邪氣恣盛。湯不能勝。必成大疾而死。若譫語狂煩者。是陽症也。其脈浮大者。生。沉細者死。又若額上汗多而喘。小便不利不頻。是陽氣上逆。陰氣下流而陰陽離矣。如體形不仁。振振惡寒者。是榮衛絕而湯亡也。如水漿不入者。是胃氣絕也。如發熱不已。身汗如油。喘而不休者。是正氣脫。邪氣勝也。此等之症。雖決必死。

小兒之傷寒。二三日散得爲妙。蓋元氣未足。不能耐病。如日久深入經絡。則搏耗血氣。而成慢驚者。有之。或邪氣不

散餘熱不退者有之。或行動不調。變成勞復者有之。或脾
虛飲食不化。爲食復者有之。或邪熱未退。復感於寒。變瘧
疾者有之。凡暮熱朝涼者。爲陰虛。若日晡潮熱。爲胃實。蓋
平旦屬少陽。日中屬太陽。日晡屬陽明。傷寒疔中。日晡潮
熱。爲胃實無虛症耳。

傷寒專祖仲景。凡讀仲景書。須將傷寒與中寒。分爲兩門。
逐一辨明。庶不使陰陽二症混亂。夫傷寒治之得其綱領。
分以邪正虛實真假寒熱。則治之不難也。若求之多岐。則
支離矣。先以陽症言之。夫旣云傷寒。則寒邪自外入內。而
傷之也。其入則有淺深次第。自表達裏。先皮毛次肌肉。又

次筋骨腸胃此其漸入之勢也風寒之初入必先太陽寒
水之經便有惡風惡寒頭痛脊痛之症寒鬱皮毛是爲表
症脉浮緊無汗爲傷寒以麻黃湯發之得汗爲解然邪之
所○湊○豈○有○定○所○亦○不○必○拘○以○傳○畢○六○經○而○方○愈○也○故○仲○景○
立○法○言○在○表○發○汗○在○中○和○解○在○裡○攻○下○隨○其○邪○之○所○在○而○
驅○散○之○不○過○使○邪○熱○退○而○正○氣○復○行○耳○若○浮○緩○有○汗○爲○傷○
風○用○桂○枝○湯○散○邪○汗○止○爲○解○若○無○頭○疼○惡○寒○脉○又○不○浮○此○
爲○表○証○罷○而○在○中○中○者○何○表○裡○之○間○也○乃○陽○明○少○陽○之○分○
脉○不○浮○不○沉○在○乎○肌○肉○之○間○謂○皮○膚○之○下○也○然○有○二○焉○若○
微○洪○而○長○卽○陽○明○脉○也○外○證○鼻○乾○不○眠○用○葛○根○湯○以○解○肌○

脉弦而數。少陽脉也。其症脇痛耳聾。寒熱往來而口苦。以小柴胡陽和之。蓋陽明少陽不從標本從乎中治也。若有
一毫惡寒尚在表也。雖人中還當兼散邪。過此爲邪入裡。
爲實熱。脉沉實洪數有力。外症不惡風寒而反惡熱。枯語
大渴。掀衣氣粗。揚手擲足。四肢燥熱。身輕易於轉側。六七
日不大便。明其熱入裡。而腸胃燥實也。輕則大柴胡湯。重
則三承氣湯。大便通而熱愈矣。以陰症言之。初起便怕寒。
手足厥冷。或戰慄身靜。氣短少息。目不了了。水漿不入。二
便不禁。喜向壁臥。閉目不欲見人。唇口不紅。倦臥不渴。腹
痛腹滿。嘔吐泄瀉。或口出涎沫。面慘息冷。引衣自隱。身重。

難於轉側不發熱而脉沉遲或細數無力此自陰經受寒
卽眞陰症不從陽經傳入熱症治例更當看外症何如輕
則理中湯重則薑附湯四逆湯以溫之不可少緩經所謂
發伏惡寒者發於陽也無熱惡寒者發於陰也此法人皆
知之至於發熱而赤煩躁揭去衣被脉大無力者人皆不
識認作陽症誤投寒藥死者多矣不知陰症不分熱與不
熱不論脉之浮沉大小但指下無力重按全無便是伏陰
急與五積散一服通解表裡之寒若內有沉寒必須薑附
溫之若作熱治而用涼藥則渴愈甚而躁愈急豈得生乎
此取脉不取症也

寒中於表。宜汗。寒中於裡。宜溫。蓋人之一身。以陽氣為主。經曰。陽氣者。若天與日。失其爲。則折壽而不彰。寒者陰慘。肅殺之氣也。陰盛則陽衰。迨至陽竭。陰絕。則死矣。仲景著書。先從傷寒以立論者。誠欲以寒病爲綱。而明其例也。其在三陽者。則用桂麻柴葛之辛溫以散之。其在三陰者。非假薑附桂萸之辛熱。參朮炙草之甘溫。則無以祛其陰。冷之邪。而復其若天與日之陽也。諸傷寒濕者。視此皆可以類推爲治矣。何後人不明病情之至理。竟將傷寒立一門。設一局。過求其端。反增其惑。尚異立說。流散無窮。凡遇病者。頭疼發熱。卽謂傷寒。太陽受邪。實非其病。必加是法。默

受天枉不可勝數。張深憫其厄。謹竭鄙見。有評傷寒論一篇。列於一卷之內。痛言其弊。幸高明鑒諸。

六腑屬陽。若陽經受寒。邪先發於太陽。五藏屬陰。若陰經受寒。邪必發於太陰。陽經發病。必先疎表。清利邪熱。六七日後。愈陰經發病。必須溫托扶正。却邪。臟病無瀉法。二七日後。乃愈。故傷寒者。由皮毛而後入臟腑。初雖惡寒發熱。而終爲熱症。其人必素有火者。中寒者。直入臟腑。始終惡寒。而竝無發熱等症。其人必無火者。一則發表攻裡。一則溫中散寒。兩門判然明白。何至混雜於中。而使後人疑誤耶。然相傳拘於七日者。蓋以五藏之傳十二時奇而傳一經。

則七日始能傳遍也。况天地之氣七日來復。人之胃氣亦從七日復也。

太陽經表之表也。行身之背。陽明經表之裡也。行身之前。少陽經半表半裏也。行乎兩脇之旁。過此則少陰太陰厥陰俱入臟而爲裡。凡傷寒溫疹初發。邪在於表。必頭疼身熱。病屬三陽。卽於此時急表散之。如冬月卽病。宜用辛溫。辛熱以汗之。春溫夏熱。宜用辛涼。辛寒甘寒以汗之。汗後身涼脉靜。無所傷犯。病不復作而愈。如投藥濡滯。或病重藥輕。不散之於表。致邪熱內結。病屬三陰。須不乃愈。內虛之人。不勝下藥。多致危殆。種種難治。皆失於不早散也。故

中寒之症身強口禁眩暈無汗或自汗者腠理素虛而陽微也傷寒發熱中寒不發熱以此爲異蓋陽動陰靜陰寒既鬱而成熱遂從乎陽傳變不一靡有定方不熱者陰邪一定而不移則不變也外寒所受皆同惟裡之有火無火所以爲中爲傷乃異耳

醫貫云陰毒病者腎本虛寒或傷冷物或感寒邪或汗後亡陽以致手足指甲皆青腹中絞痛四肢逆冷虛汗恍惚鄭聲嘔吐倦怠身痛六脈沉微或尺衰寸盛或沉細而急者四逆湯理中湯無脈者通脈四逆湯陰毒甘草湯臍中葱熨氣海關元著艾灸之乃用溫和補氣之藥通其內外